

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 03.06.2020թ. թիվ 2011189656 որոշումն անփոփոխ, իսկ վարչական բողոքն առանց բավարարման թողնելու մասին

<<20>> 07 2020թ. 7-13 8/27

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արմեն Բաղդասարյանի թիվ ՄԴ/64489-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արմավիրի մարզի Արմավիր քաղաքի Զիվանու փողոց 19 շենքի 7 բնակարանի բնակիչ Արմեն Բաղդասարյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 03.06.2020թ. թիվ 2011189656 որոշումը՝ նշելով, որ իրավախախտման փաստը կասկած է հարուցում, քանի որ տվյալ հատվածում առկա գծանշումը գտնվել է մաշված վիճակում:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը**, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ,

վարչական պատասխանատվության ենթարկվող անձի բացառություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Ճանապարհային ոստիկանության Ճանապարհային երթևեկության կազմակերպման հսկողության բաժնի 09.07.2020թ. տեղեկանքի համաձայն՝ Երևան քաղաքի Սասունցի Դավիթ-Բելինսկի փողոցների խաչմերուկի հատվածում՝ Բելինսկի փողոցի աջ կողմում՝ 1.1 հոծ գծանշման սկզբնամասում տեղադրված 5.15.1՝ <<Երթևեկության ուղղությունները գոտիներով>> ճանապարհային նշանը, ըստ որի՝ ձախ եզրային գոտուց թույլատրվում է երթևեկել միայն դեպի ձախ: Այն առկա է եղել 17.05.2020թ. և տեսանելի երթևեկության մասնակիցների համար:

Վիճարկվող որոշման հիմքում դրված տեսանյութը փաստում է, որ 17.05.2020թ. ժամը 11⁰⁰-ին դիմումատուին պատկանող տրանսպորտային միջոցը վերը նշված փողոցների խաչմերուկի հատվածում ձախ եզրային գոտուց երթևեկելով ուղիղ, խախտել է 5.15.1 ճանապարհային նշանի պահանջը:

Ինչ վերաբերվում է դիմումատուի պնդմանը՝ մաշված գծանշման վերաբերյալ, ապա այն չի կարող դրվել վարույթի հիմքում և վիճարկվող որոշման անվավերության պատճառ հանդիսանալ, քանի որ՝ ինչպես վերևում նշվեց, տվյալ հատվածում երթևեկության մասնակիցների համար տեսանելի վայրում առկա է եղել ճանապարհային նշան, որով պետք է առաջնորդվեր տրանսպորտային միջոցի վարորդը գծանշման բացակայության պարագայում, ինչը դիմումատուի կողմից անտեսվել է: Բացի այդ, վերջինիս պատասխանատվությունը վրա է հասել ոչ թե գծանշման պահանջը խախտելու համար, այլ՝ ճանապարհային նշանի:

Այսպիսով հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 03.06.2020թ. թիվ 2011189656 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Արմեն Բաղդասարյանին:

